

L'ESSOR

FASO KUMAKAN


SIBIRI
19
ZULUYE
1986

B.P. : 24

Tél. : 22-21-04

Bamako (Mali)

Peresidan ka nyogonyew



Jumadon, san 1986, zuluye kalo tile II, Mali fangaso kuntigi zeneral Musa TARAWELE ye dinyè jamana hörönyalenw ka tònba "ONU" bolofara min nyèsinnen don sérôw yiriwali ma "PNUD", o nyémögô kura Wiliyamu DARAPERI bi simila.

A ni Mali jamana kuntigi ka nyogenkunbèn fôlé in, sen fè, kabini a bilala "PNUD" nyémögôya la, o hukumu kônô, a taamanyogdnaw tun ye dinyè jamana hörönyalenw ka yiriwali tén in bolofara nyémögô ye, min ka baara nyèsinnen don Afiriki jamanaw ma, n'e ye kilawèri DAMIBA ye, ani LARISIMON,

taama la an bara, walasa ka n'a nyéda gèlèyaw kan, minnu bë k'an ka sérô yiriwali nagaci.

Peresidan Musa TARAWELE y'a misi a ka kuma kônô, danna ya kan, min bë Mali ni "PNUD" cè, n'o hukumu kônô a dalen den a la, ko "ONU" belofara in bëna dô fara a ka dème kan ja kélèli la Mali kônô ani suman tinyè fenyènaw, i n'a fô nténw n'u nyogennaw.

Wiliyamu DARAPERI ye hakilisigi kumawa da Mali fangaso nyémögô tulo kan, minnu sen fè, a y'a jira ko Mali témè fô "PNUD" ka dème la, gèlèya waati in kô-

Peresidan ka nyogonye témèn kô, DARAPERI ni minisiri USUMANI JALO taara Tunusa, u y'u bolonô bila sâbèn nafama dô la yéto min na, n'o ye layidu kam talen ye "PNUD" fè ka dôlari vari miliyén 3 labila Mali ye, an ka jamana mara wôrônan falaw labènni na sènè krama.

Jumadon kelem in na, Peresidan Musa TARAWELE ye Tunusi lasigiden Anuwari BERAYISI bisimila faranyogdnaw foli la. A ka baara waati kuntaala dafalen an bara, n'o ye sanji wôrô ta, a ye min kô Tunusi ni Mali ka teriya ni jekabaara walew sînsîna na, a

Geférènna ni Malidew bëe ka tassu ni TUNUSI ma, a ka baara nyogonye sebabu la ka Mali ni Tunusi maden nyogon na, jessou fila bëe dew ka nafa sira kan.

Mali fangaso kus-

tigi da sera a ka kôma in na tassu ni Tunusi, min sea fè a ni Peresidan Habibu HURUGIRA ye nyogon kumanyégnya anu Tunusi jamana nyémögô wôrô, kumanyégnya min kôra nisondiya ni wasako ye.

UDPM ni cèsiraw lawèrè


Mali kelenya parti "UDPM" ni kuba jemana pariti kosinisi benn'a kan k'u ka bolodinyogdnaw minni ni jekuluw ka bonyogdnaw ye, ani hakilinata falenw.

O siratigè la, san 1986, zuluye kalo tile II, faso toglo soba la, Mali pariti "UDPM" kow latèmè

PCC bén'u cèsiraw lawèrè

firiki woreduguyanfan siyawolomalaw kélèli la, olu minnu ya hadamadenw bëe juguw ye.

Kuba lasigiden y'a ka wasa ni nisondiya jira hänkan in kan, min bëna kë sababu ye ka Mali ni Kuba jamana maden nyogon na, ka "UDPM" ni "PCC" ka teriya sin-



jekulu "BEC" kôkankow sekretèri Seku Minanju TARAWELE ni kuba jemana lasigiden E di u w a r i de Bé MARITIN y'u bolonô bila o bennkansèbèn nafama la jamana fila denw ka hèrè sira kan.

A nyinin don bennkansèbèn in kônô, ko san fila natav kônô "UDPM" ni "PCC" bén'u cèsiraw lawèrè ka bén n'u ka laadaw ye.

Jamana fila jamakulutaw bén'u ka sifilèliw falen nyogon naspariti fila jekulu yamarayalenw bëna taa nyogon ka kongòrèw la. Hali n'a këra sinyè kalem ye san kônô, politiki jekuluw bëna to ka nyogon sérô hakilinata falenw sira-tigè la.

"UDPM" ni "PCC" bëe y'a jira k'u bëna nyogon faamuya A-

si ka t'a fè.

"BEC" kôkankow sekretèri ka fôli la, an ka jamanaw pariti fila bë ka ko bëe kë k'u ka teriya ni badenya siraw jèya, k'u ka jekabaaraw jiidi kabini "UDPM" sigira sen kan don min na.

Cèsira nyuman minnu b'an ka jamanaw ni nyogon cè, Seku Minanju TARAWELE ko b'an ka jamanadenw nkaniye de jira, an hakilinata falenw na, ka an ka jamanaw jô hèrè ni bén ni lafiya ni nyetan siru kan, an bë min kanu dinyè hadamadenw bëe ye.

A k'a dalen don a la ko "PCC" ye feerè minnu siri Kuba jamana sérô n'a hadamadenya walew yiriwali la, k'o na kë sababu ye ka jamana denw ka hondogbla sabati.



n'o ye "PNUD" ka ci-den yamarayalen ye Mali la.

Zeneral Musa TARAWELE ye DARAPERI fo a sugandi la "PNUD" nyémögôya la, ani k'a tanu k'a wa-leyumandón a ka

mè, senko yérèlabé siratigè la baloko la, min fèstfèstèra kosèhè Mali dèmebe-gaw ka san 1985, desanburu kalo lajèba sen fè, k'a bë Mali haminanko gèlèba dô ye.

nana foli, tanuni ani walenyumandón kô Mali fangaso nyémögô ye, an'a jamanadenw, u ka kôndondiya la, k'ale ka baara nôgoy'a belo.. Zeneral Musa TARAWELE ye Pariti ni

Mali denmisènw ka laadala san fila farikolonyènajèw ni seko ni dònko nyògòndanw kuncèra



K'a daminè san 1986 zuluye kalo ti le 3 la ka t'a bil'a tile 12 la, Mali seleke naani denmisènw ye nyogon dalajè Bamakò u ka laadala san fila farikolonyènajèw ni seko ni dònko nyogondanw kadara kònò.

Zuluye kalo tile 12, tulonw kuncèra Mali foroba pariti "UDPM" sekeretèri Zenerali ni jamana kuntigi Zenerali Musa TARAWLE ka nyemögoya kònò.

Sanni tulonw jaabiw ka da jama tule kan, Mali fangaso kuntigi ye kuma ta k'a jira ko jyôrôba bë san fila nyogonajè ninnu na denmisènw ka kelenya sabatili sira kan, "UNJM" kònò an'u labènni dannaya minèn fali la fasobara la walasa u ka se ka pariti ka nyinitaw n'a haminanko gèlènvw waleya jamana denw bée ka hèrè ni bongôgôla sira jèyali la.

Zenerali Musa TARAWLE ko nyinan nyenajèw ye nyèsôrô, min kera nisondiyako ye, ka bée lajèlen nimisi wasa, hawo denmisènw y'a kè ni dusu min ye, o bée se ka mögo hakilisigi, k'i jigi d'u kan, u ka sininyèsigi baara kècogo nyuman na. U ye fèn o fèn jir'an na kènè kan peresi dan ka fòli la, o kelen-kelen bée bë talí kè pariti ni góférènama haminankow la, k'a daminè ja kèleli la ka na tèmè sumanko yèrèlabò sira fè fo ka taa se surofènninalaw ni Afiriki woroduguyanfan siyawolomalaw la gosili ma.

Peresidan Musa TARAWLE y'a jira komin ye farikolonyènajèw ye, an sago ye denmisènw bée ka y'o kènè kan, o ka lawèrè k'an ka lakolisow bée lasôrô.

A bë f'an fè yan ko, tulon tè sèbè sa an ka funankèninw ye nôgo b'o kuma la ni baara nafamaw ye Bamakò disiriki kònò, i n'a fò jirituru ni yoròw saniyali baaraw, u ye minnu kè u ka farikolonyènajèw ni seko ni dònko walew kèrè fè. Zenera-

li Musa TARAWLE k'o ye wale ye min ka kan ka taa nyè, n'a man kan ka bila bolo kofè fewu

Peresidan ko funankèninw ye layidu min ta u ka laadala kongèrè filanan sen fè, u y'o timè ka bèn ni pariti kunti-lennaw n'a ka nyinitaw ye.

Mali fangaso kuntigi y'a ka kôrôfô laban ni foli ye ka nyèsin jekuluw ma, minnu bor'an teri jamanaw la, ka n'an ka tulonw kunkôròta n'u yeli y'u kénèw kan.

Nyogondanw jaabiw sôrôla ka da mögôw tulo kan Musa TARAWLE ka jémukan kò fè. Maraw bôra nyogon na cogo min na o file nin ye:

SEKO NI DONKOW
Dòn kôrôma: Fòlò Bamakò, filanan Segu sabanan Sikaso.

Laadala dòn: Fòlò Tumutu, filanan Sika so, sabanan Moti

Nansaraburufivè: Fòlò Sikaso, filanan Segu, sabanan Gavo

Kelennadònkilida: Fòlò Segu, filanan Kayi, Sabanan Bamakò.

Jamajèdonkilida: Fòlò Segu, filanan Bamakò, Sabanan Moti

Laadala fòlikèjékulu Fòlò Segu, filanan Sikaso, sabanan Moti

Tiyatiri: Fòlò Bamakò, filanan Gavo, sabanan Moti.

Danbe fènjira: Fòlò Bamakò, filanan Tumutu, sabanan Sikaso

Seko ni dònkok bée lajèlen: Fòlò Segu, filanan Bamakò, sabanan Sikaso.

FARIKOLONYENAJEW: Wolebali: Fòlò Bamakò filanan Segu, sabanan Kulukôrô.

Ntolatan: Fòlò Kavi filanan Bamako, saban nan Moti.

Basikèti (cèw): Fòlò Bamakò, filanan Kayi, sabanan Sikaso.

Basikèti (musow): Fòlò Bamakò, filanan Sikaso, sabanan Moti.

Kelenna farikolonyènajèw: Fòlò Bamakò, filanan Kulukôrô, sabanan Sikaso.

Farikolonyènajèw bée lajèlen: Fòlò Bamakò filanan Kayi, sabanan Sikaso.

Seko ni dònkok ni farikolonyènajèw faralen nyogon kan: Fòlò Bamakò, filanan Sikaso, Sabanan Segu